

24.tbl.
6. júl. 2022
29 árg.

Hlaupastelpan

Útgefandi og ábyrgðarmaður: Dagný Pétursdóttir-hlaupastelpan@isl.is - s: 8953386



FJÁRLAGAKVÖLD

UNDIR STJÓRN MARGRÉTAR BÓASDÓTTUR
OG SÓLVEIGAR ÖNNU JÓNSDÓTTIR ÁSAMT
GESTASTJÓRNANDA.

10. JÚLÍ Í SKJÓLBREKKU

Húsið opnar kl 19:00. Söngur hefst kl 19:30.

Miðasala við hurð. 1.500kr á mann, enginn posi.

Mundu eftir [gulu](#) og [bláu](#) bókinni en þær verða einnig til sölu!

3. fundur sveitarstjórnar Þingeyjarsveitar 23.06.2022 1

Fundargerð 3. fundur sveitarstjórnar Þingeyjarsveitar haldinn í Kjarna, miðvikudaginn 22. júní 2022, kl. 13:00.

Fundinn sátu: Gerður Sigtryggsdóttir, Knútur Emil Jónasson, Eyþór Kári Ingólfsson, Halldór Þorlákur Sigurðsson, Haraldur Bóasson, Helgi Héðinsson, Jóna Björg Hlökkversdóttir, Ragnhildur Hólm Sigurðardóttir, Úlla Árdal og Jón Hrói Finnsson.

Fundargerð ritaði: Jón Hrói Finnsson, Starfmaður.

Helgi Héðinsson vakti máls á því að mál sem K-listi hefði óskað eftir að væru tekin á dagskrá sveitarstjórnarfundar hefðu ekki verið tekin á dagskrá. Oddviti svaraði því til að verið væri að afla upplýsinga um einstök málefni og því hafi þau ekki verið tekin á dagskrá. Helgi ítrekaði beiðni um að málin verði tekin á dagskrá fyrir sumarleyfi. Oddviti bar upp tillögu um að Jóni Hróa Finnssyni væri veitt málfrelsi og tillöguréttur á fundum sveitarstjórnar á meðan hann sinnir verkefnum sem snúa að framkvæmdastjórn sveitarfélagsins, sem var samþykkt samhljóða. Oddviti bar upp tillögu um að taka tvö mál á dagskrá með afbrigðum. Þau eru mál nr. 2206014 Dvalarheimili aldraðra Húsavík - Aðalfundarboð og nr. 2206046 Ósk um aðgang að reikningum. Sveitarstjórn samþykkir að málin séu tekin á dagskrá.

Dagskrá:

1. Dvalarheimili aldraðra Húsavík - 2206014 Tilnefning í stjórn Dvalarheimilis aldraðra fyrir hönd Þingeyjarsveitar. Sveitarstjórn tilnefnir Sigurð Guðna Böðvarsson og Eygló Sófussdóttur og til vara Jónu Björg Hlökkversdóttur og Gerði Sigtryggsdóttur. Tillagan var samþykkt samhljóða.

2. Samþykkt um stjórn og fundarskóp sameinaðs sveitarfélags Skútustaðahrepps og Þingeyjarsveitar - 2206003 Breytingatillaga E-lista lögð fram til annarrar umræðu ásamt þeim breytingum sem urðu á milli umræðna. Jafnframt lagðar fram eftirfarandi breytingartillögur: 1. Í stað "sameinaðs sveitarfélags Skútustaðahrepps og Þingeyjarsveitar" komi Þingeyjarsveitar. 2. Að 18. grein falli brott. Að í staðinn komi: Sé sveitarstjórnarfulltrúi forfallaður um stundarsakir skal hann boða varamann sinn til fundarins og tilkynna eða láta tilkynna forföllin til bæjarstjóra. Varamenn taka sæti í bæjarstjórn í þeirri röð sem þeir eru kosnir þegar aðalmenn þess lista sem þeir eru kosnir af forfallast. Ef framboðslisti er borinn fram af tveimur eða fleiri stjórnsmálaflokkum eða samtökum geta aðalmenn listans komið sér saman um mismunandi röð varamanna eftir því hver aðalmanna hefur forfallast, sbr. 21. gr. sveitarstjórnarlaga. Tilkynning um slíkt samkomulag skal lögð fram í upphafi kjörtímabils og gildir hún til loka þess. 3. að í stað 5 nefndarmanna í skipulagsnefndi verði þeir sjö. 3. fundur sveitarstjórnar Þingeyjarsveitar 23.06.2022 2 Sveitarstjórn samþykkir samhljóða að í stað sameinaðs sveitarfélags Skútustaðahrepps og Þingeyjarsveitar í titli samþykkjarinnar komi Þingeyjarsveit. Sveitarstjórn samþykkir samhljóða að 18. grein orðist svo: "18. gr. Varamenn í sveitarstjórn. Sé sveitarstjórnarfulltrúi forfallaður um stundarsakir skal hann boða varamann sinn til fundarins og tilkynna eða láta tilkynna forföllin til sveitarstjóra. Varamenn taka sæti í sveitarstjórn í þeirri röð sem þeir eru kosnir þegar aðalmenn þess lista sem þeir eru kosnir af forfallast. Ef framboðslisti er borinn fram af tveimur eða fleiri stjórnsmálaflokkum eða samtökum geta aðalmenn listans komið sér saman um mismunandi röð varamanna eftir því hver aðalmanna hefur forfallast, sbr. 21. gr. sveitarstjórnarlaga. Tilkynning um slíkt samkomulag skal lögð fram í upphafi kjörtímabils og gildir hún til loka þess". Rætt var um tillögu um fjölgun fulltrúa í skipulagsnefnd. Helgi Héðinsson lagði til að öllum breytingum á samþykktum verði frestað. Tillagan Helga var felld með fimm atkvæðum gegn fjórum. Tillaga K-lista um að nefndarmenn í skipulagsnefnd verði sjö í stað fimm var borin undir atkvæði. Tillagan var felld með fimm atkvæðum gegn fjórum. Knútur óskaði eftir að eftirfarandi yrði fært til bókar: "Samþykktir undirbúningsstjórnar sameinaðs sveitarfélags, nú Þingeyjarsveit, eru í gildi. Það

stjórnsýslufyrirkomulag sem þær innihalda lýsir framkvæmdastjórn sem í sitja 3 sviðsstjórar ásamt kjörnum formanni framkvæmdastjórnar. Í þeim er ekki skilgreint hlutverk sveitarstjóra / framkvæmdastjóra og því erfið að ráða slíkan fyrr en þær breytingar sem nú er fjallað um ganga í gegn. Þess vegna liggur á að afgreiða þetta. Með þessu er ekki gefið í skyn að samþykktir skuli umgangast á léttvægan hátt, þær eru vissulega hryggjarstykkið í stjórnsýslu sveitarfélagsins. En staðan er þannig að á þessu liggur. Því tel ég ekki að rétt sé að samþykkja fleiri breytingar að svo stöddu. Varðandi önnur mál tengd samþykktinni þá er viðbúið að við samruna stjórnsýslukerfa sveitarfélaganna að reynsla næstu mánaða leiði í ljós að einhverjar úrbætur séu æskilegar. Þá er hægt að fara yfir mál eins og að breyta nefndum og meðal annars taka til skoðunar tillögu um að fjölga í skipulagsnefnd úr 5 í 7 og fleira sem mun þurfa endurskoðunar við. Nú liggur hins vegar á að koma þessari breytingu í ferli og til ráðuneytis, enda eru aðrar breytingar en brotthvarf frá stjórnsýslutilraun, auðsóttari síðar, samanber sögu breytinga á samþykktum" Fulltrúar E-lista draga til baka tillögur sína um að breyta ákvæðum um vanhæfi og fjölda sveitarstjórnarfulltrúa, sbr. 12. og 29. grein breytingartillögu. Farið var yfir áorðnar breytingar á samþykktunum, grein fyrir grein, hver grein sem breytingarnar varða borin undir atkvæði. Atkvæði féllu þannig: Breyting á titli: Samþykkt samhljóða 4. tl. 5. gr.: 5 samþykkja, 4 eru á móti. 14. tl. 5. gr.: Samþykkt samhljóða. 1. mgr. 7. gr.: 5 samþykkja, 4 sitja hjá. 5. mgr. 7. gr.: 5 samþykkja, 1 er á móti, 3 sitja hjá. 1. mgr. 8. gr.: 5 samþykkja, 4 sitja hjá. 2. mgr. 8. gr.: 5 samþykkja, 4 eru á móti. 1. mgr. 9. gr.: 5 samþykkja, 1 er á móti, 3 sitja hjá. 1. mgr. 10. gr.: 5 samþykkja, 2 eru á móti, 2 sitja hjá. 3. mgr. 14. gr.: 5 samþykkja, 4 sitja hjá. d-liður 16. gr.: 5 samþykkja, 4 sitja hjá. g-liður 16. gr.: 5 samþykkja, 3 eru á móti, 1 situr hjá. 18. gr.: 5 samþykkja, 4 sitja hjá. 3. fundur sveitarstjórnar Þingeyjarsveitar 23.06.2022 3 3. og 4 mgr. 21. gr.: 5 samþykkja, 4 sitja hjá. 5. mgr. 29. gr.: 5 samþykkja, 2 eru á móti, 2 sitja hjá. d-liður 40. gr.: 5 samþykkja, 4 eru á móti Helgi óskaði eftir að eftirfarandi væri fært til bókar: „Geri athugasemdir við að ekki hafi verið komið til móts við margvíslegar athugasemdir sem fram komu á fundir sveitarstjórnar Þingeyjarsveitar þann 15.06 hvað varðar íbúaráðin og starfsemi þeirra“. Atkvæðagreiðslu var fram haldið: 41. gr.: 5 samþykkja, 2 eru á móti, 2 sitja hjá. 43. gr.: 5 samþykkja, 2 eru á móti, 2 sitja hjá. Fyrirsögn VI kafla: 5 samþykkja, 2 eru á móti, 2 sitja hjá. 44. gr.: 5 samþykkja, 4 eru á móti. 45. gr.: 5 samþykkja, 4 eru á móti. 46. gr.: 5 samþykkja, 4 eru á móti. 47. gr.: 5 samþykkja, 4 eru á móti. 48. gr.: 5 samþykkja, 2 eru á móti, 2 sitja hjá. (48 g. fellur brott. Hér eftir er vísað í ný númer greina) 48. gr.: 5 samþykkja, 2 eru á móti, 2 sitja hjá. 58. gr.: 5 samþykkja, 2 eru á móti, 2 sitja hjá. 65. gr.: 5 samþykkja, 4 eru á móti. Helgi ítrekaði bókun sína frá 1. fundi sveitarstjórnar þar sem afdráttarlaust er lagst gegn breytingum á gildandi samþykktum. Tillögur E-lista að breytingum á samþykkt um stjórn og fundarskóp sameinaðs sveitarfélags Skútustaðahrepps og Þingeyjarsveitar, með áorðnum breytingum eru samþykktar með fimm atkvæðum. Tveir greiða atkvæði gegn breytingunum og tveir sitja hjá. Sveitarstjórn samþykkir að vísa samþykktinni með áorðnum breytingum til yfirlestur lögfræðings. Ef ekki koma fram veigamiklar efnislegar athugasemdir skal endurskoðuð samþykkt sendar til innviðaráðuneytis til staðfestingar. Komi fram efnilegar athugasemdir skulu þær bornar undir sveitarstjórn.

3. Heimild til hækunar á yfirdráttarheimild - 2206013 Að mati fjármálastjóra og ráðgjafa er lausafjórþörf sveitarfélagsins um 70 m.kr. meiri en áætlað var þegar óskað var eftir 50 m.kr. yfirdráttarheimild á fundi sveitarstjórnar þann 15.6. Óskað er eftir heimild sveitarstjórnar til að hækka yfirdráttarheimild sveitarfélagsins um 70 m.kr. í 6 mánuði þannig að hún verði 120 m.kr. Samþykkt með fimm atkvæðum. Fjórir sitja hjá. Sveitarstjórn samþykkir heimild til hækunar á yfirdráttarheimild um allt að 70 mkr og gildir sú heimild næstu 6 mánuði. Gísla Sigurðssyni er falið að sækja um hækunina.

4. Fundartímar sveitarstjórnar 2022-2023 - 2206029 Samkvæmt 14. gr. sveitarstjórnarlaga nr. 138/2011 skal sveitarstjórn halda reglulega fundi á þeim stað og tíma sem ákveðið er fyrir fram eða mælt er fyrir um í samþykkt um stjórn sveitarfélagsins. Tillaga liggur fyrir um fundatíma sveitarstjórnarfunda með fyrirvara um breytingar. Sveitarstjórn samþykkir að sveitarstjórnarfundir verða að jafnaði haldnir annan og fjórða miðvikudag í mánuði kl. 13.00. Fundarstaðir verða auglýstir hverju sinni. Síðasti fundur sveitarstjórnar fyrir sumarfrí 2022 verður 6.júlí. Fundir eftir sumarleyfi 2022 verði eftirfarandi: 17.8.2022 3. fundur sveitarstjórnar Þingeyjarsveitar 23.06.2022 4 31.8.2022 14.9.2022 28.9.2022 12.10.2022 26.10.2022 9.11.2022 23.11.2022 - fyrri umræða um fjárhagsáætlun 7.12.2022 - síðari umræða um fjárhagsáætlun 21.12.2022 11.1.2023 25.1.2023 8.2.2023 22.2.2023 8.3.2023 22.3.2023 12.4.2023 - fyrri umræða um ársreikning. 26.4.2023 - síðari umræða um ársreikning. 10.5.2023 24.5.2023 14.6.2023 28.6.2023 16.8.2023 30.8.2023 13.9.2023 27.9.2023 11.10.2023 25.10.2023 8.11.2023 22.11.2023 - fyrri umræða um fjárhagsáætlun 6.12.2023 - síðari umræða um fjárhagsáætlun 20.12.2022 Samþykkt með fimm atkvæðum. Fjórir sitja hjá.

5. Kosningar í nefndir, ráð og stjórnir - 2206018 Á síðasta fundi sveitarstjórnar var kosið í fastanefndir. Eftir kosningu kom í ljós að fyrsti varamaður E-lista í Íþrótt- og tómsundanefnd er ekki kjörgengur. Lagt er til að Unnsteinn Ingason taki sæti fyrsta varamanns í staðinn. Síðan verður kosið í yfirkjörstjórn, fjallskilaneftnd og stjórnir og ráð. Afgreiðslu frestað.

6. Kosningar til sveitarstjórnar 2022 - skýrsla yfirkjörstjórnar. - 2206007 Samkvæmt 119. gr. kosningalaga nr. 112/2021 er greinargerð yfirkjörstjórnar Þingeyjarsveitar og Skútustaðahrepps vegna nýafstaðinna sveitarstjórnarkosninga lögð fram. Fjöldi kjósenda á kjörskrá voru 1.034 Greidd atkvæði alls voru 819 Gildir atkvæðaseðlar voru 797 Auðir seðlar og ógildir voru 22 Atkvæði greidd E-lista voru 439 eða 55,1% og fjöldi kjörinna fulltrúa er 5 Atkvæði greidd K-lista voru 358 eða 44,9% og fjöldi kjörinna fulltrúa er 4 3. fundur sveitarstjórnar Þingeyjarsveitar 23.06.2022 5 Lagt fram til kynningar.

7. Starfskjör kjörinna fulltrúa og nefndarmanna 2022-2026 - 2206020 Sveitarstjórn skal ákveða hæfilega þóknun fyrir störf sín sbr. 132. gr. sveitarstjórnarlaga nr. 138/2011. Lagt fram minnisblað frá Tryggva Þórhallssyni. Lagt er til að þingfararkaup verði lagt til grundvallar nú í upphafi nýs kjörtímabils og er það kr. . Sú grunnfjárhæð tekur tekur breytingum í samræmi við ársfjórðungslega þróun launavísitölu starfsmanna sveitarfélaga. Notast verður við sömu hlutföll af grunnfjárhæð eins og þau sem gilt hafa í Þingeyjarsveit frá 2018 og eru: Mánaðarlaun kjörinna fulltrúa 10% Mánaðarlaun oddvita 15% Greitt pr. Fund sveitarstjórnarmanna 2,5% Greitt pr fund oddviti og formenn nefnda 3,5% Greitt pr fund, varafulltrúar 4% Sveitarstjórn samþykkir að fresta umræðu um kjör sveitarstjórnarmanna en að greitt verði fyrir fundi í júní 2022 samkvæmt kjörum sveitarstjórnarmanna í Þingeyjarsveit á síðasta kjörtímabili.

8. Umsókn um tónlistarnám - 2206033 Tekið fyrir erindi frá Tónlistarskólanum á Akureyri dags. 14.06.2022 þar sem óskað er eftir að lögheimilissveitarfélag greiði kostnað vegna tónlistarnáms eins nemenda á grundvelli samkomulags sem ríki og sveitarfélag undirrituðu árið 2011 um framlög Jöfnunarsjóðs sveitarfélaga til eflingar tónlistarnáms og jöfnunar á aðstöðu nemenda. Sveitarstjórn samþykkir erindið.

9. Erindi frá umboðsmanni Alþingis - 2206010 Sveitarstjórn hefur borist erindi frá Umboðsmanni Alþingis varðandi kvörtun umsækjanda um stöðu skólustjóra í Stórutjarnaskóla. Sveitarstjórn samþykkir með fimm atkvæðum að fela Jóni Hróa Finnssyni að óska eftir fundi með máláðila í samræmi við álit umboðsmanns Alþingis. Fjórir sitja hjá.

10. Kálfaströnd leigusamningur - 2206023 Borist hefur erindi frá RAMÝ þar sem óskað er eftir framlengingu leigusamnings um íbúðarhúsið á Kálfaströnd. Til staðar er leigusamningur

sem gerður var á milli RAMÝ og fyrri eiganda jarðarinnar. Síðasta endurnýjun fór fram 2020 og rennur sá samningur út 31.8.22. Afgreiðslu frestað.

11. Kálfaströnd - veiðiréttur sumar 2022 - 2202005 Eftirfarandi þrjú tilboð hafa borist í sumarveiðirétt Kálfastrandar: Halldór Árnason, býður 100.000 í Kálfaströnd 1 og 100.000 í Kálfaströnd 2. Þórhallur Kristjánsson, býður 300.000 í Kálfaströnd 1 og 250.000 í Kálfaströnd 2 Sverrick Karlsson býður 102.000 í annan hvorn veiðiréttinn. Ábending barst um að skv. á-kvæði 13.a. í skilmálum kaupsamnings frá 3. fundur sveitarstjórnar Þingeyjarsveitar 2-3.06.2022 6 28.11.2021 hefur fyrri eigandi jarðarinnar nýtingarrétt á 10% af silungsveiði jarðarinnar. Þar með hefur sveitarfélagið eingöngu heimild til útboðs á 90% veiðiréttarins. Sveitarstjórn samþykkir að fela Jóni Hróa að ganga til samninga við hæstbjóðanda með tilliti til mögulegrar nýtingar fyrri eiganda jarðarinnar. Samþykkt með átta atkvæðum. Einn situr hjá.

12. Fish&Chips við Mývatn: Umsögn vegna umsóknar um rekstrarleyfi - 2206031 Lögð er fram umsagnarbeiðni frá sýslumanninum á Norðurlandi eystra, dags. 10.05.2022 þar sem Unnur Sigurðardóttir f.h. The Little Fish Company ehf., sækir um rekstrarleyfi Veitingaleyfi - A Veitingahús, flokkur II, að Hraunvegi 8 (gamla Kaupfélagshúsinu) við Mývatn. Sveitarstjórn gerir ekki athugasemdir við veitt rekstrarleyfi með fyrirvara um að jákvæðar umsagnir berist frá byggingarfulltrúa og heilbrigðis- og eldvarnareftirlitinu, sbr. b-lið 7. gr. laga nr. 67/2016, um breytingu á lögum nr. 85/2007.

13. Romulus ehf: Umsögn vegna umsóknar um rekstrarleyfi - 2205020 Lögð fram umsagnarbeiðni frá sýslumanninum á Norðurlandi eystra dags. 25.05.2022, þar sem Aðalgeir Ásvaldsson f.h. Romulus ehf sækir um rekstrarleyfi til reksturs Gististaðir í Flokki II-C Minna gistiheimili í húsnæði Hótel Tjarna í Stórúttjarnaskóla. Sveitarstjórn gerir ekki athugasemdir við veitt rekstrarleyfi með fyrirvara um að jákvæðar umsagnir berist frá byggingarfulltrúa og heilbrigðis- og eldvarnareftirlitinu, sbr. b-lið 7. gr. laga nr. 67/2016, um breytingu á lögum nr. 85/2007.

14. Gamla búðin Vaglaskógi - 2206027 Borist hefur erindi frá Geir Hólmarssyni, Akureyri þar sem hann óskar eftir kaupum á Gömlu búðinni Vaglaskógi. Afgreiðslu frestað.

15. Áskorun um lækku fasteignagjalda á atvinnuhúsnæði - 2206022 Borist hefur erindi frá Félagi atvinnurekenda þar sem skorað er á sveitarfélög að lækka fasteignagjöld á atvinnuhúsnæði. Afgreiðslu frestað.

16. Greið leið ehf Aðalfundarboð - 2005014 Borist hefur aðalfundarboð Greiðrar leiðar. Fundurinn fer fram á Teams 28.06.2022 kl. 13.00. Sveitarstjórn samþykkir samhljóða að Knútur Emil Jónasson taki þátt í fundinum f.h. Þingeyjarsveitar.

17. Erindi Mennta- og barnamálaráðuneytis um stuðning við sveitarfélög vegna móttöku barna á flóttu frá Úkraníu. - 2203018 3. fundur sveitarstjórnar Þingeyjarsveitar 23.06.2022 7 Lagt er fram til kynningar erindi Mennta- og barnamálaráðuneytis um stuðning við sveitarfélög vegna móttöku barna á flóttu frá Úkraníu. Lagt fram til kynningar.

18. SSNE - Fundargerð 38. fundar. - 2002017 Lögð fram til kynningar fundargerð 38. fundar SSNE. Lagt fram til kynningar.

19. Ósk um aðgang að reikningum - 2206046 Óskað er eftir leyfi sveitarstjórnar til að veita Gísli Sigurðssyni fullan aðgang að öllum reikningum sveitarfélagsins og Jóni Hróa Finnssyni skoðunaraðgang í vefbönkum. Sveitarstjórn samþykkir að veita umræddar heimildir með átta atkvæðum. Einn situr hjá. Fundi slitið kl. 16:15. .

Frá Heilsugæslustöðinni Hlíðavegi 8, Mývatnssveit

SUMRIÐ 2022 VERÐA OPNUNARTÍMAR

HEILSUGÆSLUNNAR Í MÝVATNSSVEIT

EFTIRFARANDI

Viðtalstímar hjúkrunarfræðings: Alla virka daga frá kl. 11-12 og aðrir tímar eftir samkomulagi í síma 464-0660

Blóðprufur: Á mánudögum og fimmtudögum frá kl. 8:30-9:30

Móttaka lækna: á milli kl. 13-15 á mánudögum og á milli kl. 10-12 á fimmtudögum. Tímapantanir í síma 464-0501 eða 464-0660

Lyfjaendurnýjun: í síma 464-0500 frá kl. 9-9.30 alla virka daga

Vaktsími vagna bráðra veikinda: frá kl. 8:15 – 9:00 og kl. 13:00 til 13:30 í síma 464-0500

Vaktsíminn 1700 er opinn allan sólarhringinn

Slys og alvarleg veikindi þar sem bráðrar þjónustu er þörf – hringið í

Það finna allir eitthvað við sitt hæfi á
Unglingalandsmóti UMFÍ

Friðalsar

Pólkast

Biathlon

Fótbolti

Taekwondo

Upplæstur

Strandhandbolti

Strandblak

Hjólreiðar

Karfa

Borðtennis

Fimleikalíf

Golf

Kökuskreytingar

Skák

Stafsetning

Hestarþróttir

Bogfimi

Glima

Sund

Komdu með!

HSP niðurgreiðir þáttökugjöld fyrir iðkendur af svæðinu.
Frábær fjölskylduskemmtun á Selfossi 29.-31. júlí.
Dagskrá fyrir alla, keppni fyrir 11-18 ára.
Skráningu lýkur 25. júlí – www.ulm.is

Féðbókarhópur: HSP á unglingalandsmóti



LYFJA

Heilsugæslustöðinni Hlíðavegi 8
auglýsir sumaropnun 2022
LYFJA er opin
alla virka daga 10-14
Lyfja er með síma 464-0662

LYFJA - PHARMACY BRANCH
Is open Monday til Friday from 10-14
Phonenumber (+354) 464-0662



OPÍÐ HÚS í RAMÝ laugardaginn 9. júlí kl. 15 - 17

Laugardaginn 9. júlí verður **OPÍÐ HÚS** í Ramý, Náttúruvísindisstöðinni við Mývatn – klukkan þrjú til fimm, í húsi Náttúruvísindisstöðvarinnar við Mývatn á Skútustöðum (Húsið vestan við Skjólbrekku).

Vísindafólk Ramý kynnir rannsóknir sínar á lífríki vatnsins og sýnir með ýmsum hætti hvað verið er að fást við.

Allir eru hjartanlega velkomnir, jafnt börn sem fullorðnir. Kaffi á könnunni. Bílastæði við Skjólbrekku.

OPEN HOUSE at the RAMY Nature Station
Saturday July 9th between 15 - 17

There will be an OPEN HOUSE in RAMÝ, The Mývatn Nature Research Station, at the Ramý house in Skútustaðir (beside Skjólbrekka).

Ramy's scientists will give insight into their research on the life in the lake and surroundings.

Everyone is welcome. Parking at Skjólbrekka house.